

Hercegovačko-neretvanskog kantona

4, paralelno s osnovnim pravcem strelišta. Na ulazu u područje linije streljačkih mjesta na strelištu mora se istaknuti ploča s osnovnim zaštitnim i sigurnosnim upozorenjima te dozvoljenim vrstama oružja i municije koja su propisana streljačkim pravilima.

(7) Nivo buke u najbližem stambenom objektu ne smije prelaziti 45 decibela.

Član 9.

(Čuvanje oružja i municije)

Oružje i municija kojom raspolaže civilno strelište mora biti smješteno u odgovarajućoj prostoriji na način da zadovoljava uslove propisane u Pravilniku o načinu i uslovima za siguran smještaj i čuvanje oružja i municije („Službene novine HNK“ br. 10/17).

Član 10.

(Komisija)

Ispunjenost uslova propisanih ovim Pravilnikom utvrđuje Komisija Ministarstva unutrašnjih poslova (u daljem tekstu: Komisija), koju imenuje ministar na prijedlog komesara.

Član 11.

(Način rada komisije)

(1) Predsjednik i članovi Komisije dužni su činjenice odlučne za ocjenu postojanja propisanih uslova utvrditi neposrednim opažanjem, objektivno i nepristrasno.

(2) O obavljenim službenim radnjama Komisija sastavlja zapisnik. U zapisnik se obavezno navode sve najvažnije činjenice odlučujuće za utvrđivanje postojanja propisanih uslova, odnosno utvrđene nepravilnosti.

(3) Zapisnik potpisuju predsjednik Komisije, članovi i stranka kojoj se uručuje jedan primjerak zapisnika.

(4) Predsjednik Komisije jedan primjerak potpisanog zapisnika sa priložima dostavlja organizacijskoj jedinici Ministarstva u sjedištu, nadležnoj za poslove oružja.

Član 12.

(Evidencije)

Pravno lice, poduzetnik i sportska streljačka organizacija koja ima odobrenje za osnivanje civilnog strelišta obavezni su voditi evidencije o:

- a) nabavljenom oružju i municiji,
- b) oružju i municiji ustupljenom na korištenje i utrošenoj municiji.

Izgled, sadržaj i način vođenja ovih evidencija propisan je Pravilnikom o sadržaju i načinu vođenja evidencija („Službene novine HNK“ br.10/17).

Član 13.

(Stupanje na snagu)

Ovaj pravilnik stupa na snagu osmog dana od dana objave u „Službenim novinama Hercegovačko-neretvanskog kantona“.

BOSNA I HERCEGOVINA

FEDERACIJA BOSNE I HERCEGOVINE

HERCEGOVAČKO NERETVANSKI KANTON

MINISTARSTVO UNUTRAŠNJIH POSLOVA

Broj:02-01-04-1374-1/17

Datum:24.11.2017.godine

MINISTAR

Sladjan Bevanda,s.r.

680

Na osnovu člana 55. Zakona o oružju i municiji u Hercegovačko-neretvanskom kantonu („Službene novine HNK“, broj 5/17), ministar unutrašnjih poslova na prijedlog komesara,
d o n o s i:

PRAVILNIK**O USLOVIMA KOJE MORAJU ISPUNJAVATI
OSOBЕ REGISTRIRANE ZA OBAVLJANJE
DJELATNOSTI POPRAVLJANJA I
PREPRAVLJANJA ORUŽJA**

Član 1.

(Predmet Pravilnika)

Ovim Pravilnikom utvrđuju se uslovi koje moraju ispunjavati osobe registrirane za obavljanje djelatnosti popravljaja i prepravljaja oružja po Zakonu o oružju i municiji u Hercegovačko neretvanskom kantonu (u daljem tekstu: Zakon).

Član 2.

(Oružje koje može biti predmet popravljaja i prepravljaja)

Osobe registrirane za obavljanje djelatnosti popravljaja i prepravljaja oružja mogu popravljati i prepravljati samo oružje za koje je izdana odgovarajuća isprava o oružju.

Član 3.

(Prostor za obavljanje popravljaja i prepravljaja oružja)

(1) Prostor u kome će se obavljati registrirana djelatnost popravljaja i prepravljaja oružja,kao

cjelina mora imati:

- a) mehaničarsku radionicu za mehaničku obradu, popravljanje i prepravljanje oružja;
- b) prostoriju za galvaniziranje;
- c) prostor za ispitivanje popravljenog i prepravljenog oružja;

(2) Prostor u kome se obavlja djelatnost popravljanja i prepravljanja oružja ne može biti u sastavu poslovnog prostora u kome se obavlja djelatnost prometa oružja i municije, pribora za lov i ribolov i druge sportske opreme.

(3) Iznimno od odredbi stava (1) ovog člana, pravna osoba ili obrtnik koji ne obavljaju poslove galvaniziranja nisu obavezni zadovoljavati uslov pod tačkom b) stava (1) ovog člana.

Član 4.

(Uslovi za obavljanje popravljanja i prepravljanja oružja)

(1) Mehaničarska radionica u kojoj se izravno obavlja popravljanje i prepravljanje oružja mora imati:

a) tehnička sredstva, opremu i profesionalni (specijalizirani) alat koji se namjenski koristi za obavljanje poslova popravljanja ili prepravljanja oružja, a što se dokazuje odgovarajućom dokumentacijom;

b) metalni ormar vatrootporan najmanje 60 minuta, u kome se drži i čuva oružje koje je u postupku popravljanja odnosno prepravljanja;

c) čvrsto postavljene metalne rešetke na prozorskim otvorima i vratima;

d) aparat za početno gašenje požara S-9;

e) dokaz od mjerodavnog tijela da su električne instalacije, elektro ormar i šema elektro razvoda urađeni prema propisima o tehničkim normativima za električne instalacije niskog napona;

f) dokaz od mjerodavnog tijela da su prostor i mašine za izradu i mehaničku obradu dijelova za oružje uzemljeni i povezani na uzemljivač gromobranske instalacije prema propisima.

(2) Prostorija za galvaniziranje (zaštitu metalnih dijelova oružja) pored kade za potapanje oružja, koja ne može biti veća od 100 litara, mora imati posebno urađen sistem za ventiliranje i pročišćavanje zraka radi sprječavanja djelovanja štetnih materija na radnike, kao radi zaštite okoliša.

(3) Prostor za ispitivanje popravljenog ili prepravljenog oružja mora biti urađen na način da pruži maksimalnu sigurnost prilikom ispitivanja oružja.

(4) Dokaz o korištenju ili vlasništvu poslovnog objekta u kojem se obavlja djelatnost popravljanja i prepravljanja oružja.

Član 5.

(Uslovi za osobe koje popravljaju i prepravljaju oružje)

(1) Popravljanje i prepravljanje oružja mogu obavljati samo osobe koje ispunjavaju uslove iz stava (2) i stava (3) tačka a) i b) člana 10. Zakona o oružju i municiji u Hercegovačko-neretvanskom kantonu.

(2) Osim uslova iz stava (1) ovog člana, osobe moraju ispunjavati i posebne uslove:

a) da osoba ima najmanje srednju stručnu spremu;

b) da posjeduje dokaz mjerodavnog tijela da je osposobljena za samostalno obavljanje poslova popravljanja i prepravljanja oružja.

Član 6.

(Ispitivanje)

(1) Popravljeno i prepravljeno oružje podliježe obaveznom ispitivanju kod pravne osobe ili obrtnika koji je registriran za obavljanje djelatnosti popravljanja i prepravljanja oružja i koji izdaju potvrdu o obavljenom popravku ili prepravci oružja.

(2) Izgled i sadržaj potvrde o popravljenom odnosno prepravljenom oružju propisani su na obrascu 1 koji je sastavni dio ovog Pravilnika.

Član 7.

(Evidencije o popravljenom i prepravljenom oružju)

Osoba registrirana za popravljanje i prepravljanje oružja dužna je voditi evidenciju o popravljenom i prepravljenom oružju, propisanu Pravilnikom o sadržaju i načinu vođenja evidencija („Službene novine HNK“ broj 10/17).

Član 8.

(Komisija)

Ispunjavanje uslova iz člana 1. ovog Pravilnika utvrđuje komisija Ministarstva unutrašnjih poslova koju imenuje ministar, na prijedlog komesara.

Član 9.

(Stupanje na snagu)

Ovaj Pravilnik stupa na snagu osmog dana od dana objave u „Službenim novinama Hercegovačko-neretvanskog kantona“

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
MINISTARSTVO UNUTRAŠNJIH POSLOVA

Broj: 02-01-04-1374-2/17

Datum: 24.11.2017.godine

MINISTAR
Slađan Bevanda, s.r.

(Naziv i sjedište)

Broj evidencije: _____

Datum: _____

Na osnovu člana 6. Pravilnika o uslovima koje moraju ispunjavati osobe registrirane za obavljanje djelatnosti popravljavanja i prepravljavanja oružja („Službene novine HNK“ broj: _____), izdaje se

**POTVRDA
O POPRAVLJENOM-PREPRAVLJENOM ORUŽJU**

Potvrđuje se da je vatreno oružje _____, marke _____, model: _____
(Vrsta oružja)

kalibar: _____, tvornički broj: _____, vlasništvo: _____
(ime i prezime odnosno naziv)

sin//kćer _____, rođen/a dana _____ godine u _____

s prebivalištem/sjedištem u _____
(adresa i mjesto)

JMB-ID broj: _____, isprava o oružju i broj _____
_____, izdana od _____

POPRAVLJENO-PREPRAVLJENO

(Kratak opis popravka –prepravka oružja)

M.P.

Odgovorna osoba

(potpis)